

REGLUGERÐ

um (1.) breytingu á reglugerð nr. 831/2014 um gildistöku reglugerðar framkvæmdastjórnarinnar (ESB) nr. 605/2010 um skilyrði varðandi heilbrigði dýra og manna og varðandi heilbrigðisvottorð fyrir dýr og dýraafurðir vegna aðflutnings til Evrópusambandsins á hrámjólk og mjólkurafurðum til manneldis.

1. gr.

Við 1. gr. reglugerðarinnar bætist nýr töluliður, 6. tölul., svohljóðandi:

6. Framkvæmdarreglugerð framkvæmdastjórnarinnar (ESB) 2018/83 frá 19. janúar 2018 um breytingu á I. viðauka við reglugerð (ESB) nr. 605/2010 að því er varðar skrána yfir þriðju lönd eða hluta þeirra, þaðan sem leyfður er aðflutningur til Evrópusambandsins á sendingum af hrámjólk, mjólkurafurðum, broddi og afurðum að stofni til úr broddi.

2. gr.

Framkvæmdarreglugerð framkvæmdastjórnarinnar, sem nefnd er í 1. gr., er birt sem fylgiskjal við reglugerð þessa.

3. gr.

Reglugerð þessi er sett með heimild í 31. gr. a laga nr. 93/1995 um matvæli, með síðari breytingum. Reglugerðin öðlast þegar gildi.

Atvinnuvega- og nýsköpunarráðuneytinu, 22. febrúar 2018.

Kristján Þór Júlíusson
sjávarútvegs- og landbúnaðarráðherra.

Iðunn Guðjónsdóttir.

Fylgiskjal.**FRAMKVÆMDARREGLUGERÐ FRAMKVÆMDASTJÓRNARINNAR (ESB) 2018/83**

frá 19. janúar 2018

um breytingu á I. viðauka við reglugerð (ESB) nr. 605/2010 að því er varðar skrána yfir þriðju lönd eða hluta þeirra, þaðan sem leyfður er aðflutningur til Evrópusambandsins á sendingum af hrámjólki, mjólkurafurðum, broddi og afurðum að stofni til úr broddi

(Texti sem varðar EES)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun ráðsins 2002/99/EB frá 16. desember 2002 um heilbrigðisreglur um framleiðslu, vinnslu, dreifingu og aðflutning á afurðum úr dýrarikinu til mannelis⁽¹⁾, einkum 8. gr. (inngangsorð), 8. gr. (fyrsta undirgrein 1. liðar og 4. liður) og 9. gr. (4. mgr.),

með hliðsjón af reglugerð Evrópuþingsins og ráðsins (EB) nr. 854/2004 frá 29. apríl 2004 um sértækar reglur um skipulag opinbers eftirlits með afurðum úr dýrarikinu sem eru ætlaðar til mannelis⁽²⁾, einkum 1. mgr. 11. gr.,

og að teknu tilliti til eftirfarandi:

- (1) Í reglugerð framkvæmdastjórnarinnar (ESB) nr. 605/2010⁽³⁾ er mælt fyrir um skilyrði varðandi heilbrigði manna og dýra og kröfur vegna útgáfu vottorða í tengslum við aðflutning til Sambandsins á sendingum af hrámjólki, mjólkurafurðum, broddi og afurðum, að stofni til úr broddi, og sett fram skrá yfir þriðju lönd þaðan sem aðflutningur til Sambandsins á slíkum sendingum er heimilaður.
- (2) Í I. viðauka við reglugerð (ESB) nr. 605/2010 er sett fram skrá yfir þriðju lönd eða hluta þeirra sem hefur verið heimilað að flytja sendingar af hrámjólki, mjólkurafurðum, broddi og afurðum, að stofni til úr broddi, til Sambandsins og upplýsingar um þá tegund meðhöndlunar sem krafist er fyrir slíkar vörur. Í 4. gr. reglugerðar (ESB) nr. 605/2010 er kveðið á um að aðildarríki skuli heimila innflutning á sendingum af mjólkurafurðum, sem unnar eru úr hrámjólki úr kúm, ám, geitum eða bufflum eða, þar sem það er sérstaklega heimilað í I. viðauka við þá reglugerð, úr kameldýrum af tegundinni *Camelus dromedarius*, frá þriðju löndum eða hlutum þeirra sem eru skráðir í C-dálki í þeim viðauka, þar sem áhætta vegna gin- og klaufaveiki er fyrir hendi, að því tilskildu að þessar mjólkurafurðir hafi verið meðhöndlaðar eða séu framleiddar úr hrámjólki sem hefur verið meðhöndluð eins og um getur í þeirri grein.
- (3) Furstadæmið Abú Dabí í Sameinuðu arabísku furstadæmunum, sem er þriðja land sem ekki hefur verið skráð hjá Alþjóðadýraheilbrigðisstofnuninni sem laust við gin- og klaufaveiki, hefur látið í ljós áhuga á að flytja út til Sambandsins mjólkurafurðir, sem eru framleiddar úr hrámjólki sem er unnin úr drómedörum eftir að hún hefur verið eðlisfræðilega eða efnafræðilega meðhöndluð í samræmi við 4. gr. reglugerðar (ESB) nr. 605/2010.
- (4) Furstadæmið Dúbaí hefur þegar fengið leyfi til útflutnings á mjólkurafurðum úr kameldýrum með framkvæmdarreglugerð framkvæmdastjórnarinnar (ESB) nr. 300/2013⁽⁴⁾. Eftirlitskerfin sem eru til staðar í Abú Dabí endurspeglja þau sem eru til staðar í Dúbaí. Furstadæmið Abú Dabí sendi skoðunarþjónustu framkvæmdastjórnarinnar viðeigandi upplýsingar um kerfi og eftirlit sem eru fyrir hendi varðandi framleiðslu á mjólkurafurðum úr kameldýrum.
- (5) Á grundvelli þessara upplýsinga má draga þá ályktun að furstadæmið Abú Dabí geti lagt fram nauðsynlegar ábyrgðir til að tryggja að mjólkurvörur, sem framleiddar eru í furstadæminu Abú Dabí úr hrámjólki úr drómedörum, séu í samræmi við gildandi kröfur um heilbrigði dýra og manna að því er varðar innflutning til Sambandsins á mjólkurafurðum frá þriðju löndum eða hlutum þeirra þar sem áhætta vegna gin- og klaufaveiki er fyrir hendi og skráð eru í C-dálki I. viðauka við reglugerð (ESB) nr. 605/2010.
- (6) Til þess að heimila innflutning til Sambandsins á mjólkurvörum, sem framleiddar eru úr drómedaramjólk, frá tilteknum hlutum yfirráðasvæðis Sameinuðu arabísku furstadæmanna, skal furstadæminu Abú Dabí bætt við í skrána yfir þriðju lönd eða hluta þeirra, sem um getur í I. viðauka við reglugerð (ESB) nr. 605/2010, og jafnframt tilgreint að heimildin, sem kveðið er á um í C-dálki þeirrar skráar, eigi eingöngu við um mjólkurafurðir sem framleiddar eru úr mjólki þessarar tegundar.
- (7) Montenegro (Svartfjallaland) fór fram á það við framkvæmdastjórnina að fá leyfi til að flytja hrámjólki, mjólkurafurðir, brodd og afurðir, að stofni til úr broddi, til Sambandsins. Montenegro (Svartfjallaland) er þriðja land sem hefur verið skráð hjá Alþjóðadýraheilbrigðisstofnuninni sem laust við gin- og klaufaveiki án bólusetningar.
- (8) Framkvæmdastjórnin hefur annast heilbrigðiseftirlit með dýrum og dýraafurðum í Montenegro (Svartfjallaland). Niðurstöður úr slíku eftirliti hafa leitt í ljós tiltekna annmarka, einkum að því er varðar málefni er varða lýðheilsu í starfsstöðvum. Lögbær yfirvöld í Montenegro (Svartfjallaland) eru að vinna að því að ráða bót á þessum annmörkum.
- (9) Á grundvelli hagstæðrar stöðu í dýraheilbrigðismálum að því er varðar gin- og klaufaveiki í Montenegro (Svartfjallaland) er þó rétt að bæta Montenegro (Svartfjallaland) við í dálk A í I. viðauka við reglugerð (ESB) nr. 605/2010. Þessi viðbót við skrána í I. viðauka ætti ekki að hafa áhrif á skuldbindingar sem leiða af öðrum ákvæðum í löggerð Sambandsins varðandi innflutning til Sambandsins á afurðum úr dýrarikinu og setningu þeirra á markaði í Sambandinu, einkum þær sem varða færslu starfsstöðva á skrá skv. 12. gr. reglugerðar (EB) nr. 854/2004.

⁽¹⁾ Stjtið. EB L 18, 23.1.2003, bls. 11.⁽²⁾ Stjtið. ESB L 139, 30.4.2004, bls. 206.⁽³⁾ Reglugerð framkvæmdastjórnarinnar (ESB) nr. 605/2010 frá 2. júlí 2010 um skilyrði varðandi heilbrigði dýra og manna og varðandi heilbrigðisvottorð fyrir dýr og dýraafurðir vegna aðflutnings til Evrópusambandsins á hrámjólki, mjólkurafurðum, broddi og afurðum, að stofni til úr broddi, til mannelis (Stjtið. ESB L 175, 10.7.2010, bls. 1).⁽⁴⁾ Framkvæmdarreglugerð framkvæmdastjórnarinnar (ESB) nr. 300/2013 frá 27. mars 2013 um breytingu á reglugerð (ESB) nr. 605/2010 um skilyrði varðandi heilbrigði dýra og manna og varðandi heilbrigðisvottorð fyrir dýr og dýraafurðir vegna aðflutnings til Evrópusambandsins á hrámjólki og mjólkurafurðum til mannelis (Stjtið. ESB L 90, 28.3.2013, bls. 71).

(10) Því ætti að breyta reglugerð (ESB) nr. 605/2010 til samræmis við það.

(11) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

SAMÞYKKT REGLUGERÐ ÞESSA:

1. gr.

Töflunni í I. viðauka við reglugerð (ESB) nr. 605/2010 er breytt sem hér segir:

a) Í stað færslunnar fyrir Sameinuðu arabísku furstadæmin komi eftirfarandi:

”

AE	Furstadæmin Abú Dabí og Dúbaí í Sameinuðu arabísku furstadæmunum ⁽¹⁾	0	0	+ ⁽²⁾
----	---	---	---	------------------

“

b) Eftirfarandi færsla bætist við á eftir færslunni fyrir Marokkó:

”

ME	Montenegro (Svartfjallaland)	+	+	+
----	------------------------------	---	---	---

“

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel, 19. janúar 2018.

*Fyrir hönd framkvæmdastjórnarinnar,
forseti.*

Jean-Claude JUNCKER